

Humor eibarrés

EZ-EZAUNA

—Mezedez, bost duro prestauko destazuz?
 —Nik ez zaitut ezautzen. Zergaitik ez detsazu eskatzen ezaunen bati.
 —Dakidalako arek eztestela emongo.

TXARRAK POZTU

—Zer berbatzuk dira orrek, ume? Ez dago zeure aita entzutzen. Entzuneko balezkizu entzun, nai neuke jakin zer eñigo leskizun.
 —Ezebez.
 —Ezetz?
 —Poztuko litzake.
 —Poztu?... Semian berba txarrak entzun da poztu.
 —Bai. Nere aita gorra da ta.

BARREGARRIA

Eskolatik barrez jua zan etxera mutikua.
 —Zer pasatzen jatsu gaur, ume? esan zetsan aitak.
 —Zuk lenguan kontautakuakin gogoratzen raiz ta barreguria etortzen jata.
 —Zer da baña kontautakua?
 —Eztakizu zelan kontau zenduan mutikotan eskolatik aurrian atara ziñuezeia. Ba, aretzekin gogoratzen nentorren.
 —Benetan gertacra polita izan zan, ezta?
 —Bai orixe; ta oin zuk pe naikua barre eñiñ biar dozu, gaur ni eskolatik zelan bota nabien berealaxe kontauko detsut...

DUAKUA

—Ez detsuk ezer billatzen. Nun sentitzen dozu ba miñ?
 —Iñun be ez; gaur duan dala-ta bada ez-pada etorri naiz.

EZKON-BARRIAN AMA

—Zer moduz zare alabatxo?
 —Ondo be ondo, ama.
 —Zoriontsu zaraz?
 —Bai, ni bai; oso zoriontsu. Nere gizona maitasun utsa da; nai doten guztia emotesta.
 —Ai jnere alaba kotxaua! Guztia emoten ba-detsu, ez al dozu ikusten, biar dan beste ez detsazula eskatzen?



Orrek Kongo aldeko ba'tzok penstsatzen juck zibilizauta darella; baña, Real Madrixa juango balitzakek, ordu erdixan amarren bat gol sartuko laitzukiek.

«MIXPILLAO»

1920 garren urtia eta Habana'ko frontoian Nikaxio Nabarrete, Zezilio Unzueta ta Ramón Gómez (Petit) pelotari eibarrarrak. Anakabe ondarruatarra ondoezik xamar ebillelako jokua gitxitxuta eukan eta ipintzen zetsezen partidua galdu baño ezitxuan eitxen. Orraitxiok eldu izan jakon bere txandia ta Petit lagun ebala, zorionian irabasi be eñiñ eban partidua. Intendentia esan etsan:

—Muy bien, Anakabe, hoy has juga lo como quien eres, te felicito. Has estado inspirado.

Dutxia artzen zeozela, ixillian, Anakabe'k Petit'i:

—Aitxik, Erramon..., ze dok «mixpillao»? Petit okertxua izan da garbi ikusi eban Anakabe gizajuak backarrela aldrebeskeriren bat. Ta gaiztuak alakuak:

—«Mixpillao» esan dok? Batedon-batek bota deuk ala?

—Bota desten edo eztesten, iri etzeuk ardura. Esaidak zer dan «mixpillao»!

—Ba, benetan, Anakabe... Neri «mixpillao» esango balestakiek, ara... danba!, nik, betondokua.

—Ondo dagok, Petit. Esan duana juat naikua.

Bixaramonian, goizeko amaikak eldian zurixa edatera juateko usarixua eukan tokixan, an ziran pelotari, korredore eta abar, mordo bat. Euren artian Anakabe, arpegixa kolore barik eta amorruek dardara. Petit bere aldamenian, ezer esan barik baña bai Anakabe zaintzen, astakerixaren bat eñiñ ezeixan. Andik pixkatera orsartzen da intendentia, ta jua zan beragana Anakabe, eldu paparretik eta beixetatik sua zerixola, esaetan:

—Aitxizu ia..., «Mixpillao» será usté... Kakatsu j...Kakatsu! Petit albuana izan ezpazan, danba! be, or orrenbaten.

A. Iturr.oz

ONDASUNAK

—Tabakua da zure ondamenti guztia. Erreko ez ba-zendu, oin ezkeri erosi zekian palasoren bat, orren diruakin.
 —Zuk ez al dozu erretzen?
 —Tautik pe ez.
 —Guazen, orduan, zure palaziua ikustera.

GALTZEN JAKITZIA

Pelotaleku zarrian, joko, droga ta posturan Maskue'o lelen zanian; ogerlekua bi eñiñ guran, iru edo lau partidua berbatutzen zituan aurrez, zetsela ta, nai beste diru irabasiko oso errez. Lelengo bixak, postura eta trabes gitxikuak; beste bixak, bai ardura eta gora-bera aundikuak.

Atara pelotia eta larena ta bigarrena, arnasa estuz beteta uste an zala bere azkena, Maskue'ok itxo biarran, galtzen zituan bertan bera. Baña iru ta laugarrenian, arin eta barri ostera, bendetik kontrarixua asieratik azkenerañoik, joko postura aun likua ari iñoiz, irabasi iñoik.

—

Kontu onen filosofia da, bat: munduan irabasteko, galtzen jakin biar dala; ta bi: aurrera juateko biar dogula ondo ikasi, astun gitxiko gauzetan emon kontrarixuari; baña ardura aundikuetan, eutsi!, ta zaildu biar bada, ta irabasi gabe ez laga!

T. ETXEBARRIA.

Caracas'dik.



Esaixok ia nun dan berakin ekarren independenzia. Olan bixak batera jango jitzuagu.